

傳通良采見

玄義分
六未

秋

受領第	149696	號	部	九	號
淨土宗大學圖書			二六	冊	
明治	乙	年	乙	月	
淨土宗務所寄贈					



0931	貴	年
14	重	月
13	書	日
佛教大學藏書		
第	149696	号





觀經玄義分傳通記卷第六見聞末

念處者能觀名念即觀念也所觀名處小乘意以四

處念名四真法然今文意四念處自性空無實躰故名

化四正勤等自性空邊類化人也 曰問賢聖二位其

相如何 答賢七賢聖七聖也七賢者三賢四善根也

合為七方便入聖前方便故三賢者一五停心二別想

念處三總想念處也四善根者一煖法二頂法三忍法

四世第一法也頌疏二十二云第二廣明加行就中分

四一明身器清淨二明五停心位三明四念處四明四

善根此下第一明身器清淨論曰諸有欲於修精勤學

者如何清身器令修速成頌曰具身心遠離無不定大



欲謂已得未得多求名所無治相違界三無漏無貪性
四聖種亦尔前三唯喜足後三生具業為治四愛生我
所我事欲暫息永除故^上釋云身器清淨略由三因故
一身心遠離二喜足少欲三住四聖種具身心遠離者
身遠離者離相雜住心遠離者離不善尋無不定大欲
者第二曰也無不定者喜足無大欲者少欲前二易可
成由喜足少欲問無不定大欲此二無差別如何答頌
言謂已得未得多求名所無謂得衣等更多稀求不喜
足此喜足所無也若未得衣等更多稀求名為大欲此
少欲所無也治相違者此明喜足少欲與此不喜足大
欲相違也界三者喜足少欲若有漏者通三界若無漏

者所治二種在欲界無漏無貪性者喜足少欲亦通無
漏無貪為躰所治二種以貪為性四聖種亦尔者釋第
三因也能生眾聖故名聖種四聖種躰亦是無貪同前
喜等故言亦尔前三唯喜足者一衣服喜足聖種二飲
食喜足聖種三臥具喜足聖種四樂斷樂修謂樂斷煩
惱樂修正道也^乃言三具業前三聖種助道生具寂
後聖種助道事業以諸弟子捨俗生具及俗事業世尊
哀愍立此助道生具事業令修行者解脫非久問何故
安立如此二事答頌言為治四愛生一衣服愛二飲食
愛三臥具愛四有無有愛治四愛故立四聖眾我所我
事欲者衣服等三此上起貪心我所事欲也我事欲者

謂身上起貪名我事欲為佛意欲令諸弟子暫息我所
事欲故立前三聖種永除我所及事欲故立第四聖種
上已三賢未入位修身器清淨成身器清淨已入三賢也
略解三賢等三賢位外凡也順解脫分位也一五停心
者一教息停心出入息治覺觀二不淨停心觀身不淨
治四貪顯色形色妙觸供奉貪也三慈悲停心發慈悲
心治嫉妬心四日緣停心觀十二日緣治愚癡也五念
佛停心觀佛十八界治障道二別想念處者修四念處
一身念處觀身中五種不淨破淨顛倒五種不淨者一
種子不淨父母精血為種子二住處不淨十月間住胎
內三生處不淨從產門生四自性不淨身中五藏等也

五究竟不淨死後破壞等也或除生處加自相不淨自
相不淨者九穴流不淨等也二受念處觀受不樂破樂
顛倒三想念處新六代謝念之生滅觀無常破常顛倒
四法念處觀諸法無我治我顛倒亦名念住念惠為躰
此身受心法各別觀故名別想念處三惣想念處者此
有三種一境惣觀別身受心法四皆物觀不淨又受身
法心四皆惣觀苦又心身受法四皆惣觀無常又法身
受心四皆惣觀無我故名境惣觀別二境別觀惣身一
觀不淨苦無常無我受一觀苦不淨無常無我心一觀
苦不淨無常無我法一觀苦不淨無常無我故名境別
觀惣三境觀俱惣身受心法四惣觀苦不淨無常無我

又心身受法四惣觀無常不淨苦無我又法心受身四惣觀無我不淨苦無常故名境觀俱惣也於三賢中五停心雖有五法以不淨數息二觀為最要故於論等委細釋其相也頌云入修要二門不淨息念貪尋增上者如次第應修上釋云正八行門要者有二一不淨觀能治貪欲二持息念能治亂尋也問不淨觀行相如何答明行相者頌云為通治四貪且辨骨鏤廣至海徃畧名初習業位除足至頭半名為已熟修繫心在眉間名起作意位上釋云修不淨觀正為治貪々有四種一顯色貪二形色貪三妙觸貪四供奉貪緣青瘀等修不淨觀治顯色貪也緣虫食等治形色貪緣虫蛆等治妙觸貪

緣屍不動治供奉貪若緣骨鏤修不淨觀通治四貪以骨鏤中無四貪境故今且辨修骨鏤觀此唯勝解作意相應勝解者假想觀也謂於色中作不淨觀殊勝解也不淨觀少分緣故不断煩惱夫断惑要須偏緣故也但能伏貪令不令行然修骨鏤觀惣有三位一初習業位二已熟位三超作意位也修不淨觀應先繫心於自身分或於足指或額或餘隨所樂處安止其心令得住已依勝解力假想思惟彼肉爛墮漸令骨淨乃至具觀全身骨鏤即一具已後觀第二漸次一房一寺乃至遍地以海為邊骨鏤充滿為令勝解得增長故漸畧而觀乃至唯觀一具白骨齊此漸畧不淨觀成名初習業為令

傳通記卷之八
卷之八
畧觀勝解力增於一具中先除足骨思惟餘骨漸次乃至除頭半骨思惟半骨齊此轉略名已熟修位爲令畧觀勝解自在除頭半骨繫心眉間專任一緣湛然而住齊此極畧名超作意位也第二釋持息念頌云息念惠五地緣風依欲身二得實外無有六謂數等上釋云此有八門息念惠者第一出體門此息念以惠爲體息即是風念持息故名息念躡雖是惠而名念者由念力持惠於境中得分明經云阿那阿波那念阿那者此云遣來謂持息入是引外風令入身分阿波那者此云遣去謂持息出是引內風令出身義也五地者第二依地門也謂依初禪近分及二三禪近分並中間欲界此念唯

與捨受相應故在近分中間欲界非餘地也謂苦樂受能引尋此念持尋故唯捨受緣風者第三境界門也此定緣風依欲身者第四依身門唯依欲界人天趣身除此俱盧二得者第五辨得門也通離染得及加行得實者第六作意門也此與真實作意相應非假想也外無者第七簡邪門佛教方修外道無有以諸外道無說者故自不能覺微細法數等者第八辨相門也此相差別由具六因也一數二隨三止四觀五轉六淨數也數者繫心緣出入息從一至十此有三失一數減失於二謂一二數增失於一謂二三雜亂失於入謂出於出謂入離此三失是名正數中間錯亂復應從一次第數之終

而復始乃至得定隨謂繫心緣出入息不作加行隨息而行止謂繫念唯在眉端或於足指隨所樂處安止其心觀謂觀察此息風已並觀息俱大種造色及依色住心々所法具觀五蘊以為境界轉謂移轉々息風覺乃至世間第一法位淨謂勝進入見道位等乃至盡智為攝六相故說頌云持息念應知有六種異相謂數隨止觀轉淨相差別^已 問別想惣想委細義其相如何 峇頌疏云從此第三明四念住就中分二一明別想念住二明惣想念住且初別想念住者頌云依已修成止為觀修念住以自相共相觀身受心法自性聞等惠餘相雜所緣說次第隨生治倒故唯^{四已} 釋云依已修成

止為觀修念住者依前二門已修成止梵云奢摩他此云止也次應為觀修四念住觀者梵云毘鉢舍那是即惠也以自相共相觀身受心法釋也或以自相或以共相別觀身受心法身受心法各別自性名自相大種造色是身自性受是受性心是心性除此三外所餘諸法名法自性一切有為皆非常相^{通隨}一切有漏皆是苦相^{唯苦集}及一切法空非我性^{通四諦及虛非等滅也}此非常等諸法共有名共相々々別觀者謂且觀身餘有為同非常等誅有漏同是苦相一切法同空非我相受等亦然也 問云何得知念住成滿哉 峇觀身至極微一刹那時名身念住滿觀心法至一刹那名受等滿以非色

故無一極微自性聞等惠餘相雜所緣出體也念住有
三一自性念住以惠為躰此通三惠也惠名念住者謂
由念力令惠住境或由惠力令念住境故名念住二相
雜念住謂惠及相應並俱有四相為躰互相雜故名相
雜也三所緣念住謂身受心法為體此是念住所緣境
故三中相雜能斷煩惱以攝惠故自性不能斷惑以太
減故夫斷煩惱必須惠解及俱有法自性唯惠故太減
也所緣念住不能斷惑以太減故有非俱有故太減也
所緣念住復有三種一緣自相續身二緣他相續身三
緣自他俱相續身其受心法各有三緣自他俱相續異
故身受心法四各有三惣成十二說次第隨生者說四

念性次第隨生前後也謂身最麁次受是麁次心是麁
法最為細撰涅槃故隨境麁義應先觀故々身念住最
初生也沿倒故唯四者此四念住觀身不淨觀受是苦
觀心無常觀法無我治淨樂我常四顛倒故々唯立四
此四中三種名不雜緣第四所緣通雜不雜若唯觀法
名不雜緣若於身等二三四惣而觀察名為雜緣於中
身等四或二々合緣或三々合緣或四惣緣雜身等故
名雜緣也從此第一明惣想緣者頌云彼居法念住惣
觀四所緣修非常及苦空非我行相上釋云言彼居者
彼觀行者居此惣雜法念住也惣觀身等四所緣境修
四行相謂非常等前別想位有雜緣者或二三四今此

雜緣唯惣想緣四故前別也惣想念住唯是惣雜法念住也云云從此第四明煖等四善根頌云從此生煖法具觀四聖諦修十六行相次生頂法亦然如是二善根皆初法後四次忍唯法念下中品同頂上唯觀欲苦一行一刹那世第一亦然皆惠五除得此釋云從此生煖法者從此惣想念住成就已次生煖法此法如燭立煖法名聖道如火能燒惑薪聖火前相故名爲煖具觀四聖諦修十六行相者此明煖位也此煖善根分位長故能具觀四聖諦及能具修十六行相觀苦聖諦修四行相非常苦空非我觀集聖諦修四行相回集生緣也觀滅聖諦修四行相滅靜妙離也觀道聖諦修四行相道如

行出也苦者我等衆生依身苦果躰智惠也 空者於五蘊一相異相品此五蘊躰觀虛無果縛此五蘊觀空智惠也無常者我等衆生受生已來無片時刹那生滅觀之智惠也無我者五蘊有體依身隣虛細塵促觀此覺諸法無我理智惠也集者招集爲義業煩惱和合招集苦果也譬如土與水合作土佛業如土煩惱如水苦果依身如佛也因者種子義也亦習物義也業煩惱爲苦果種子故也生者業煩惱生苦果也緣者業煩惱爲苦果成緣也緣者助回義也滅者此滅者滅種之苦一切煩惱滅五蘊觀智惠也靜者此滅諦智貪瞋癡三毒火皆靜智惠也妙者一切煩惱諸苦患皆無故無爲安樂

也離者此滅諦世間生死有漏法悉離觀智惠也道者
七科道品功德悉至涅槃道也如者道諦無漏智惠功
德全隨正義非邪見顛倒義也行者三十七品功德一
切聖人至涅槃行也出者此三十七品道諦能出生死
故也次生頂亦然者修煥善根有上中下至成滿時有
善根生名頂法亦觀四諦修十六行相同前煥位故云
亦然煥頂二善俱名動善故動善根中頂為寂勝如人
頂故名頂法又忍位是進煥位是退此頂位在進退兩
際猶如山頂故名頂如是二善根皆初法後四者煥頂
二善安定時皆法念住後增進時通四念住初安定者
謂此煥頂以十六行相最初踐四聖諦迹名初安定

即初起也謂見道中唯法念住以煥頂位順見道故々
初安定唯法住後增進位稍容預故々得通修四念住
也次忍唯法念者從頂善根有善根生名為忍法忍可
四諦最殊勝故又無退故名忍法忍初安定及後增進
唯法念住進見道故初與後皆法念住下中品同頂者
此忍善根有下中上下中二住同前頂位具觀四諦修
十六行相也上唯觀欲苦一行一剎那者上品忍位唯
觀欲苦以一行一剎那心名上忍也今畧明忍位下中
上品者若下品忍具觀四諦修十六行相中品忍位減
緣減行上下八諦名之為緣所緣境故上界四諦有十
六行欲界四諦有十六行惣計合成三十二行名之為

行能緣行故應知七周劫緣二十四周減行謂以四行
觀欲界苦如是乃至四行相觀欲界道後以三行觀上
界道減餘一行名一周也又以四行觀欲界苦如是乃
至後以二行觀上界道減餘二行第二周也又以四行
觀欲界苦如是乃至以一行相觀上界道減餘三行第
三周也又以四行觀欲界苦如是乃至以四行相觀欲
界道不觀上界道名爲減緣々々時雖亦減行減緣攝
故不名減行第四周也此第四周即是一周減緣攝也
如減上界道諦如此減余七諦行相亦然唯於緣中不
減欲苦減餘七諦名七周減緣惣而言之上下八諦各
減三行謂欲界苦下一行相留故不減所餘七諦餘一

行相與緣同減故但言三々八二十四名二十四周減
行理實言之三十一周減行謂餘七行減緣攝故但言
二十四也於減行中初減一行名中忍初如是乃至減
欲界苦下二行相時但有二行二剎那心觀欲界苦名
中忍滿唯有一行一剎那心觀欲界苦名爲上忍就此
中忍未減道時雖減行相猶觀道故々得具修四諦也
至中忍滿唯觀一諦不具四也又於中忍未減道時修
十六行相此修者是得修行雖起一能起得修彼未來
四諦下十六行相故言修也中忍同前頂位修十六行
相者約此中忍未減道說也若此中忍減道諦時但修
十二行相非十六行相也既減彼道心無依慕故彼道

下四行相亦不起得修也由此道理減滅諦時但修八
行謂不修彼滅道諦下各四行故減集諦時但修四行
謂唯修苦下四種行故々於中恐有修十六二十八四
行相於上恐位亦修四行唯起一行一刹那心以觀欲
苦故々能起得修彼苦下四行相也 問於上恐位減
彼三行何故修彼所減行哉 答雖減彼行不減諦故
起欣慕心故得修彼所減行相於中恐位修所減行相
准斯理說於三十二行中唯留欲界苦下一行者擬入
見道故須留也餘三十一如其次第從後向前漸々除
之緣既從後除之行亦從後減也 問若下一行為留
何行哉 答入見道人有二行者一者剎根謂是見行

々々有二若著我者留無我行著我所者即留空行二
者鈍根々々亦二我慢增者留無常行懈怠增者即留
苦行又依西方德光論師解減行云欲苦四行從後除
之如留無常人見道者先減非我次減空後減苦若留
苦行入見道者先減非我次減空後減無常若留空行
入見道者先減非我次減苦後減無常若留非我入見
道者先減空次減苦後減無常減欲界苦諦四行既然
減餘七諦四行亦亦謂餘七諦各有四行與此欲苦四
行相屬如名次第擬宜相當以說其減且如無常以入
見道者於上界道先減出次減行次減如後減道以道
屬無常故後減也若以苦行入見道者於上界道先減

出次減行次減道後減如以如屬苦故後減也若以空
行入見道者於上界道先減出次減如次若道後減行
以行屬空故後減也若以非我入見道者於上界道先
減行次減如次減道後減出以出屬非我故後減也減
餘六諦各四行相准前說之為攝前義惣舉論云謂瑜
伽師於色無色對治道等等取餘一聖諦行相三行所
緣上下漸減漸略明減七諦義也乃至俱有二念作意思惟欲界
苦聖諦境齊此已前名中忍位從此位無間起勝善根
一行一剎那名上品忍此善根起不相續故也世第一
亦然者上品忍無間生世第一法此世第一釋緣欲苦
唯有一行一剎那心同前上忍故云亦然此有漏故名

為世間於世間中是寂勝故名為第一此世第一有士
用力離同類因引見道生故名最勝也皆惠五除得者
出躰此煖等四念住性故皆惠為體者並助伴皆五蘊
性有定共戒名為色蘊餘四應知此煖等四有能得々助伴躰中得非
煖等四善躰故言除得齊見道後有法後得々前煖等
々々上得々容現行若此煖等以得為體豈有聖者煖
等善根重現前耶謂煖等四聖道加行得聖果已理不
合起故煖等躰非是得也此煖等四善根位云順決
擇分見修無學三種聖道皆名支擇決謂支斷能斷疑
故擇謂簡擇能分別四諦相故見道名決擇分是決擇
中一分故也此四善根引見道故能順彼名順支擇分

也四善根通依六地謂未至中間四靜慮也欲界中無
非定地故無糸段亦無謂四善根見道眷屬無色無見
道故無四善根也 問此四善根勝劣如何 答頌云
煖必至涅槃頂終不斷善忍不隨惡趣第一入離生_{上已}
釋云煖位雖又斷善根造無間業隨三惡趣而無久流
轉必至涅槃故若得頂位雖有退等必不斷善若得忍
法雖命終捨而無有退不墮惡趣若下忍位於三惡趣
得非擇滅若至上忍於卯濕生及無想天北俱盧洲大
梵王處並扇掉半擇迦二形身及第八有等並見所斷
惑於此有處身有惑中得非擇滅以上忍位必入見道
得聖果故於等得非擇滅若見所斷惑雖是未斷以

必不起故得非擇滅也世第一法雖是異住能起無間
入正性離生正性離生者見道名也 問於四善根位
成緣覺成佛果哉 答頌云轉聲聞種性二成佛三餘
麟角佛無轉一座成覺故_{上已}釋云聲聞種性煖頂二位
轉可成佛若得忍位無成佛理菩薩利物必往惡趣忍
超惡趣故不成佛三余者餘謂獨覺在佛乘外故名爲
餘聲聞種稱煖頂忍三轉可成獨覺乘故名爲三餘麟
角獨覺與佛世尊於煖等位性必無轉謂此二聖依第
四禪一座成覺故無可轉也_云一座者始從煖位終至
菩提不起于座第四靜慮是不傾動取猛利三摩地
故堪爲麟角及佛所依也 問七賢大畧其義聞次七

聖位者其義相如何 答頌疏云明三道就中三一明
三道建立二明七種聖人三明學無學滿乃至且十六
心者頌云世第一無間即緣欲界苦生無漏法忍々次
生法智次緣余界苦生類忍類智緣集滅道諦各生四
亦然如是十六心名聖諦現觀此惣有三類謂見緣事
別比釋云從世第一善根無間即緣欲界苦聖諦境生
無漏法名苦法智忍苦忍無間緣欲界苦諦次生法智
名苦法智此智無間次緣余界苦聖諦境有類智忍此
忍無間即緣此境有類智生名苦類智緣苦諦如有此
四心緣集滅道各四亦然也謂苦類智後緣欲界集諦
生集法智忍此忍無間生集法智此智無間緣上界集

生集類智忍此忍無間生集類智此智無間緣欲界滅
諦生滅法智忍此忍無間生滅法智此智無間緣上界
滅生滅類智忍此忍無間生滅類智此智無間緣欲界
道諦生道法智忍此忍無間生道法智此智無間緣上
界道生道類智忍此忍無間生道類智故於四諦各有
四心成十六心苦法智忍苦法法是苦諦法忍緣苦法
名苦法忍智是忍果是等流果智唯無漏為顯此忍亦
唯無漏舉後等流以為標例故忍為智者從果為名云
如華果樹々非花果生華果故名華果樹忍亦如是生
法智故名法智忍苦法智者智緣苦法故名苦法智前
忍斷惑名無間道後智證滅名解脫道苦類智忍及苦

類智者此墮智與前相似故立類名故論云最初證知諸法真理故名法智此後境智與前相似故立類名如苦既余餘集滅道各有四心准斯理釋思而可知此六十心教說名聖諦現觀謂在現前觀聖諦故此有三種一見現觀唯無漏惠見諦分明名見現觀二緣現觀此無漏惠及惠相應心之所法同一所緣名緣現觀三事現觀謂前相應及餘俱有同一事業名事現觀餘俱有者謂省共戒及生等四相俱有曰故名俱有也論云明得苦法智忍名入正性離生見所斷惑令諸有情隨在惡趣受諸劇苦猶如生食在有情身作苦惱事故名爲生或由見惑令諸善根以不得淳熟故名爲生見道能

超故名離生言正性者所謂涅槃見道能證名正性離生正性之離生依主釋也或此見道即名正性聖正性故正性即離生持業釋也又此見道或名正性決定々取涅槃故或变了四諦相故名決定也若正性是涅槃即正性之決定正性目見道正性之決定二釋同前苦法智忍名爲入者寂初入故名得入名也已問十六心依地如何 答頌云皆與世第一同依於一地已釋云世第一法引見道故々十六心與彼第一同依一地已前言世第一通依六地故今見道亦唯依六地也 問忍智差別如何 答頌云忍智如次第無間解脫道已釋云忍是無間道約斷惑得不爲惑得之所隔昇故名

無間智是解脫道已解脫惑得又與離繫得俱時起故名解脫也忍智次第理必應然猶如世間駢賊閉戶忍如駢賊智如閉戶云 問見修羗別如何 答頌云前十五見道見未曾見故上釋云除道類智前十五心名為見道於四諦理未見今見之未曾有見故得見名至道類智無一諦理未見今見如修曾見故修道證 問如道類忍是道諦理此道類智緣道類忍於道類忍未見今見何故道類智非見道攝哉 答此中約諦不約刹那雖於道類忍一刹那心未見今見於上下八諦皆已曾見故修道攝如苾刍哇稻唯余一穗不可名為此哇未苾 問忍於諦理未見道中間七智已見今見何故

七智亦見道攝 答知諦未盡中間起故亦見道攝也此 問前十五見道第十六修道攝如何 答頌云名隨信法行由根鈍利別具修惑斷一至五向初果斷次三向二離八地向三上釋云名隨信法行由根鈍利別者見道位中聖者有二一隨信行二隨法行由根鈍利立此二名若鈍根者名隨信行彼於前時隨信他言而行義故若利根者名隨法行彼於先時由自披閱契經等法隨行善故具修惑斷一至五向初果即前二聖於見道位立為三向此是初向也謂於先時未以世道斷修惑名具修惑此名具縛人也斷一至五者謂先凡位以有漏道斷修惑一品乃至五品此為五人兼前具縛

爲六人也此六人至見道中名初果向趣與流果故斷
次三向二者第二向也謂於九位斷第六惑七八品名
斷次三謂前五品次三品故此有三人此斷次三人至
見道中名第二向趣一來果故離八地向三者第三向
也謂先九位斷欲修惑第九品盡或斷初定一品乃至
斷無處有處惑盡名離八地此有六十四人謂斷欲第
九品爲一人斷上七地各九品惑各有九人七九六十
三兼前一人成六十四人此六十四人至見道中名第
三向也趣不還果故也此第二依第十六心建立果位
第二別明住果非向且明第一立果位者頌云至第十
六心隨三向往果名信解見到亦由鈍利別已釋云隨

三向往果者前初向六人至道類智住頽流果前第二
向三人至道類智住一來果前三向六十四人至道類
智住不還果也名信解見至者此住果人若鈍根者名
爲信解若利根者名爲見至前隨信行今名信解謂由
信解故勝解相顯名爲信解前隨法行今名見至謂由
向見得至果見故名見至此二聖者信惠互增故標信
解見至名別也第二明住果非向者頌云諸道果位中
未得勝果道故未起勝道名住果非向已釋云諸得果
位中者攄前頽流等三果也未得勝果道者未得五六
等諸勝果道也故未起勝道名住果非向者結上三果
不名後向也謂斷五品至道類智未起五六勝果道故

但名預流果故不名第二向也。斷七八品至道類智未起七八品勝果道故。但名一來果故不名第三向也。斷上七地至道類智未起七地勝果道故。但名第三果故不名第四向也。勝果道者謂向道也。夫論向道勝前果道或趣後果名勝果道。問何故前住果未得勝果道。答以勝果道是向道故云住果位未起得也。已。問四果向果位其義如何。答頌云未斷修惑失住果極七反。已。釋云九地修惑都未有斷名爲預流生極七反。受生極言爲顯受生最多極不過七非諸預流皆受七反言預流者諸無漏道惣名爲流初預此流名爲預流。問此預流名爲目何善若初得道名爲預流則預流

名應名第八苦法忍是第八也。於八忍中從後數者當第八故也。若初得果名爲預流如超越人至道類智得二果故應名預流。答此預流名不目第八目初得果於四沙門果中寂初得故一來不還非定初得此最初得故名預流。問何緣此名不目第八。答要具三義得預流名一具得果向無漏道故二具得見修無漏道故三於現觀十六心流遍至得故第八三義俱闕故預流名不目第八。七生者人中七生中有生有各爲七生。天中亦然中生各七。惣二十八生皆七。筭故說極七生。問何緣彼無受第八生。答相續身齊此七生所有聖道必成就故聖道種類法應如是如七步地第四

日虜法應亦故至第七生逢無佛法雖在居家得阿羅漢既得果已必不住家法亦自得苾芻形相 問預流既未斷不善修惑云何經說預流名為不退隨法墮不退也 趣 答此有五義一以不生長退隨法二違彼生長業與果故三強盛善根鎮彼身故四加行意樂俱清淨故五諸有安定隨惡趣業尚不起惑况得預流故有頌曰愚作罪小亦隨惡無悔智為罪大亦脫苦增悔如團鐵小亦沉水為體鐵大亦能浮已引此頌意明愚人名退隨預流名無退隨也第二明一來向者頌云斷欲三四品三二生家々斷至五二向斷六一來果已釋云初兩句明家々下兩句明向果即預流聖者進斷修惑若

三緣具轉名家々一由斷惑斷欲修惑三四品故二由成根得能治彼無漏根故三由受生更受欲三二生故頌中說初後二緣不說成根者預流果後進斷修惑諸無漏根理必合有義准已成故頌不說言斷三四品受三二生者若斷三品名受三生若斷四品名受二生謂九品惑能潤七生且上々品能潤兩生上中上下中上各潤一生中々中下合潤一生下三品惑共潤一生既上三品潤四生故斷上三品四生便損名受三生既言中上品潤一生故斷中上品復損一生前斷三品已損四生今斷中上復損一生故斷四品惣損五生受二生也 問何故無斷一品二品五品名家々哉 答必無

有斷一品二品不斷三品中間死生無斷五品不斷六
而有死生謂由聖者得初果已斷欲修惑起大加行必
無未斷一大品結上三品各生死生故々斷一品二品
必斷三品已斷第五品必斷第六品也謂第六品證一
來果以無一品能障得果故斷五品必斷第六 問若
無一品能障得果何故斷第八品不斷第九有死生哉
答以斷第九一即得果得第三果也二復越界越欲
界也由越界故第九品惑障不還果斷第六品雖即得
果而不越界故此一品不能障果應知惣有二種家々
一天家二人家々一天家々者謂欲天處生三二家而
證圓寂或一天處或二天處或三天處受三二生二人

家々者謂於人趣生三二家而證圓寂或一天處或二
劫處或三劫處而證圓寂若天家々天三人二天二人
一此天家々人中得道若人家々人三天二人二天一
此人家々天中得道且天家々天三人二者謂於人中
得見道已斷三品或從此命終而生天處受天一生又
從天死來生人間受人一生又從人死而生天處受天
一生並前一生名爲二生復從天死來生人間受人一
生兼前一生名人二生又從人死復生天處更受一生
並前二生名天三生故天三生人二生也於第三生斷
煩惱盡證阿羅漢天三既尔天二人一及人家々人三
天二人二天一准前說之斷至五一向者謂頽流果進

斷欲歟一品修惑乃至五品名一來向趣一來果故斷
六一來果者若斷六品成一來果彼往天生一來人間
而般涅槃名一來果此亦名曰薄貪嗔癡也已斷上中
六品重貪嗔癡唯有三品薄貪嗔癡故也上已第三明
不還果向就中二一明不還向果二明不還果向差別
初者頌云斷七惑八品一生名一間此即第三向斷九
不還果上已釋云初兩句明一間下兩句明向果謂一來
聖者進斷余惑若三緣具轉名一間一由斷惑斷欲修
惑七八品故二由成根得能治彼七八品惑無漏根故
三由受生更受欲有余一生故頌中說初後二緣不說
成根義如前釋 問云何第九一品惑障得不還果

答斷第九品越欲界故前說三時業障中欲界地業障
不還果應知煩惱亦與業同謂得不還果越彼第九品
惑等流果及異熟地故一品惑障得不還果一間者間
謂間隔為有一生為間隔故不證圓或有一品惑為間
隔故不得不還果由此二義各一間也此即第三向者
即此斷七八品惑名不還向趣不還果故斷九不還果
者即斷第九品惑得不還果必不還來生欲界故也上已
第二明果位差別有七謂七種九種等也且今七種不
還者頌云此中生者行無行般涅槃上流若雜修能往
色究竟超半超遍沒餘能往有頂行無色有四住此般
涅槃上已釋云此者此不還也物說有七一者中般謂欲

界沒色中有般涅槃故二者生般色界生已般涅槃故
此具勤修速進二道三者有行般色界生已長時加行
方般涅槃有勤修行速進道四者無行般謂於色界生
已經久加行懈怠無功用行般涅槃故此勤修速進二
道俱闕也論云於契經中先說無行後說有行如是次
第與理相應有速進道不由功用般涅槃故名爲無行
無速進道有功用般涅槃故名爲無行無速進道無功
用行般涅槃故名爲有行上流者上行義謂於色界要
轉生上方般涅槃上流有二一有雜修即樂惠也二無
雜修即樂定也若雜修者生也究竟無雜修者能往有
頂頌餘能往有頂者餘是不雜修也就雜後中後有三

種一全超二半超三遍沒今依色界十六天中辨此三
種全超者在欲界於四靜慮已具雜修遇緣退失上三
靜慮唯味初禪從此命終生梵衆天由前習力復能雜
修第四靜慮從梵般沒生色究竟頓越中間故名全超
言半超者從替般沒色界中間有十四天漸次受生或
超一天後生色究竟或超二天後生也究竟乃至或超
十三天處後生究竟皆名半超也非全故名爲半超越
一天者受十五生越二天者受十四生乃至越十三者
唯受三生由此半超極多十五生極小唯三生中間多
少如理思之聖必不生大梵天處謂大梵言我生世間
是戒禁取僻見處故遍沒者於十六天盡遍受生故名

遍沒無雜修者遍生色界唯不能往五淨居天從廣果
天沒生無色後生有頂方般涅槃故色界中下十一天
樂定樂惠得受生於廣果天便分二路若樂惠者生五
淨居若樂定者生無色界此五名爲行色界者樂定那
含雖生無色經色生故是色界攝行無色者差別有四
唯除中般無中有故從欲界沒直生無色有生般等四
種那含此惣名爲無色那含足前成六或有不生色無
色界唯於欲界般涅槃名現般那含於現身中得涅槃
故頌言住此般涅槃者即住此欲界名現般也此兼前
六成七種不還也已第二九種那含者頌云行色界有
九謂三各分三業惑根有殊故成三九別已謂中般生

般上流般分三故成九種也中般三者一速般二非速
般三經久般也生般三者一者生般二者有行般三者
無行般也上流三者一者全超二者半超三者遍沒也
然此中般生般上流般三種各由速非速經久得般涅
槃互相望無雜亂失此九種皆由業惑根有差別故有
速非速經久不同由業三者造順現業成中般故造順
生業成生般故造順後業成上流般故由惑三者下品
煩惱中般現行中品煩惱生般現行上品煩惱上流現
行由根三者中般上根生般中根上流下根也生般各
三者俱由惑根有差別故分爲三種不由業異謂中般
三同起業故若生般三同生業故今非業異也上流分

三具由惑根業有差別々々者謂順後業有差別故謂
全超業及半超業遍沒業故此九不還由惑根別思而
可知云九雜修者中間有漏前後無漏以相間雜故名
雜修也 問有學十八無學九人其相如何 答有學
十八者於有學中有四向三果爲七及隨法行隨信行
信解見至家々一間五種那舍故成十八無學九者一
退法二謹法三思法四安住法五堪筵法六不動法七
不退八惠解脫九俱解脫 問何緣身證不預其數
答無漏三學者是聖者曰擇滅涅槃是聖者果滅定有
漏不是攸目々々無故不預其數云從此第四明阿羅
漢果向乃至頌云上界修惑中斷初定一品至有頂八

品皆阿羅漢向第九無間道名金剛喻定盡得俱盡智
成無學應果比釋云得不還果者從斷初定一品爲初
至有頂八品爲後名阿羅漢向趣阿羅漢果故即此向
中斷有頂地第九品惑無間道名金剛喻定此定能破
一切煩惱猶如金剛能推一切故名金剛喻定々雖有
力能破一切餘惑先斷故今唯斷第九品惑能引此惑
盡得俱行盡智令起即此盡智是解脫道此解脫道與
漏盡得最初俱生故名盡智頌言盡得俱者即是漏盡
得俱名盡智也盡智生已成無學果更無學故亦名爲
應謂阿羅漢此翻爲應々受人天廣大供養故比問
斷九地惑可有々漏無漏二道哉 答頌云有頂由無

漏余由二離深比釋云有頂由無漏者斷有頂深唯無
漏道非有漏道以有漏道飲上厭下於有頂地無上可
飲故有漏道不斷有頂餘由二離深者余者謂餘八地
也離八地深通由二道漏無漏道俱能離故也比 問
飲上厭下觀者其相如何 答頌云世無間解脫如次
緣下上作塵苦障行及靜妙離三比釋云世謂有漏道
有漏無間道緣下地境有漏解脫道緣上地境若無間
道中緣下地法作麤苦障三種行相於三行中隨起一
行相也若解脫道緣上地法作靜妙離三種行相於三
行中隨起一行相也非寂靜故說名為麤非微妙故說
名為苦非出離故說名為隨靜妙離三翻此應知比

問六種阿羅漢其相如何 答頌云阿羅漢有六謂退
至不動前五信解生慙名時解脫後不時解脫從前見
至生上釋云契經說有六種阿羅漢一者退法謂遇小
緣便退所得二者思法謂懼退失恆思自害三者護法
謂於前所得法防護四者安住法無勝退緣雖不自防
亦能不退無勝加行亦不增進五者堪達法謂性堪能
好修練根速達不動六不動法不為煩惱所退動故前
五種性從先學位信解性生此五慙名時解脫也以要
待時方能入定及心解脫言待時者時有六種一得好
衣二得好食三得好卧具四得好處五得好說法六得
好同學也後不動種姓名不時解脫謂是利根以不待

時便能入定及心解脫故從先學位見至性生口頌云
四從種性退五從果非先上釋云不動種性必無退理
就前五種唯退法一性必不退謂居下故唯思等四有
種性退謂從思法退入法法或從護法退入思法或從
安住退入護法或從堪達退入安住是名性退五從果
非先者退法等五皆有退果謂退無學也思法等四或
有性退無有果退雖得有退然並非先者謂先學
位住思等四今至無學此思等四種性與果必無退理
謂學無學二道所成堅故若於無學退法等性修成思
等四種々性此名非先此容有退以唯無學道所成故
唯先退法有退果義以性是退故々頌言非先不攝退

法也依薩婆多宗唯頽流果必定無退以斷迷理見道
感故諦理真實指定可依聖惠已證必無退理後々三
果許有退果以修道惑迷事故相浮偽無定可依斷迷
彼惑有失念退若大衆部頽流果有退阿羅漢無退依
經部宗頽流羅漢必無退果聖道證故中間二果許有
漏道證故容有退也若超越三二果亦無有退依經部
宗阿羅漢果有六種者初現法樂住有退不退非約退
果若得果性皆名不動無六種也現法樂住者有漏四
靜慮也退此靜慮名爲退法思此靜慮名爲思法護此
靜慮名爲護法安住此靜慮名爲安住法堪達靜慮名
堪達法不退靜慮名不退法約現法樂住分六種性也

因問賢聖二位等已下叙不迷良心但有五種不淨之解然彼與今文相不同書之可見

五種不淨者一種子不淨赤白二滯二住處不淨胎內

間在三生處不淨從產門出四自性不淨五臟六腑五究竟不淨死後膨脹

或不立生處立自性不淨九穴出不已上淨等爛壞也

受不樂者苦樂憂喜捨五受合為苦壞行三苦故云受

不樂也俱舍頌云苦由合如所應一切可意非可意餘

有漏行法比喜樂名可意是壞苦也憂苦名非可意是

苦々也捨受名餘有漏行法是行苦也○新々代謝者

心身有為當所發生隨處滅盡云新々等云○非我々

所等者能執名我所執名我所能所俱緣生假法無實

躰故云非我等也我者常一主宰義也常々住一々味

也主宰者人體諸法主故也或我為主我所為宰述記

云我如主宰者如國之主有自在故及如輔宰能割斷

故有自在力有割斷力義同我故或主是我體宰是我

所或主如我體宰如我用也○念惠為躰等者念者明

起為義於境體明知云明記明知惠簡擇之惠依念立

故必念懷惠成此觀云為躰取隣近惠念為名也然惠

依念明記能照境故惠功推念名四念也凡念住念處

一也念所住處故云處云住也此一段之解釈良心與今不同為對見書之

名念住者念所住處故處住一云○惠為躰者此中

以惠為躰然惠依念明記能照境故惠功推念名四

念也已上良心抄也

卷之三

七

四正勤者一心名正精進名勤也○律儀斷等者俱舍論云能遮能滅惡戒相續故名律儀上滅已生惡名律儀斷止未生惡名斷々未生故云斷不令生重云斷令已生善增長名修習斷已修故云修習令惡緣不障云斷防惡緣護未生善令生名防護斷義如前又修習防護雖無斷義相從上二斷名斷欽然約能斷名四正勤初勤功能名四正斷勤者精進心所名也又四正斷者四通斷懈怠義坎○欲如意足等者得定念欲相應三昧云不違等相應定行成就故云行成就也修定勇猛不懈怠云勤如意足定相應信心勇猛云心如意足惠合定云觀如意足々者定也此四位淺深次第也○

名四神足等者如意與神一體異名自在妨字異義一也頌疏云問何緣於定立神足名答神變靈妙性也足即是定神所依也神依足發定為神足故名神足上○變化心是等者令發神通加行思惟名變化心所變通相妙用無妨名神故異彼神體為筆持頌釋彼神常今變化彼通當今神故依變化心成神通相如人身依足成行步故依變化名足也○一者信根等者信等心所生長諸善故名五根々々力用增強破惡不可屈伏故名五力○於善事中等者五根等今雖定善散善分有此義等持定通定散故云○勝用增上等者是釋根義俱舍云勝增上故名為根上信等五為諸善為根信即

俱舍云勝增上故名為根上信等五為諸善為根信即

根持業釋也乃至惠即根也。○已上賢位修之者三賢
四善根名賢位三賢位修四念處煥法位修四正勤頂
法位修四神足忍法位修五根世第一法修五力○七
覺分者菩提名覺因行名分俱舍頌云初業順多擇及
修見道位念住等七品應知次第增上釋云初業者謂
修別想念住也此初業位能審照了身等四境惠用勝
故說念住增順決擇者煥等四位也且煥位中能證異
品支擇分也殊勝功德勤用勝故今說正斷增頂法位中趣
無退位定用勝故說神足增忍法位中必不隨善根賢
固得增上義說五根增世第一位非世惑法所能屈伏
得無屈義說五力增及修見道位者修消位中進菩提

位助覺勝故說七覺增見道位中速疾而轉通行勝故
有餘師說於見道位建立覺支如實覺知四聖諦故於
見修二位建立八道支以此二位俱通直往涅槃城故
念住等七品應知次第增者結上初業等位有念住等
七品增也比問七科道品有漏無漏如何答頌云
七覺八道支一向是無漏三四五根力皆通於二種比
釋云七覺支八正道唯無漏也三四者一四念住二四
正斷三四神足也五根力者謂五根五力此四念住等
皆通有漏無漏二種也比○一念覺支等者依智論意
十六諦觀惠不忘云憶念等也○擇法覺支者以簡擇
為惠躰故惠簡擇善惡法捨惡持善是惠能也苦集為

所厭滅道為所勤等也。○勤樂等者樂是喜受功能故云勤樂等也。○輕安者修善法不僭沉云身心調適也。問喜覺支輕安其差別如何。答受心所通悅深也。輕安別善心所也。適悅淺也。○定覺支者心一境性為義可通定散故云心不散故。○捨覺支者行捨心所非捨受身正直心正直為行捨躰故內外相應云平等也。○覺者菩提等者指果云覺指因云支故云因義言念擇法精進等七即菩提因故云因義因有七分故云即是分依之諸文或云七菩提分或云七覺分或云七等覺支或云七覺支名目云覺是菩提也支是支助也以此種々善心助菩提令成行也。比○其躰准知者此七

射皆心所故云准知第一念心所第二惠心所第三勤心所第四受心所第五輕安心所第六三摩地心所第七行捨心所。云已下良心抄與見聞粗相云違故一字下先迷彼抄

若依等者問何故二論意不同耶答就七科有約位約行一位一行是約位意一位多行是約行意。前後不定

智論見道等者問何故二論意不同哉。答就七科有

約位約行二一位一行是約位意一位多行是約行意也。若尔者七見八修約位意八見七修約行意也。問依行義前々功德後位修之故七覺修道可有之後位功德前々未有之何八正見道有之。答前々功德後

位修之者約正修後位功德於前々者亦可有分修故
非相違如彼抑學十住抑學十住者會身子六住退一
義也身子十信位抑學十住功德位十信故退也然約
所學云六住退也若尔俱舍約分修云八見又大小乘
差別也大乘意見道初故修七修道後故修八俱舍意
見道無漏道初故名聖道也又一義云智論七前八後
如下慈恩釋俱舍意道者通行爲義見道十五心速通
達故修八正道修道近菩提果故名七覺分頌疏云修
道位中近菩提位助覺勝故說七增見道位中速疾而
轉通行勝故說八正道增上通行者道通行義也如世
間有道路無塞至所期見道十五心無塞經歷名道云

通行義十五刹那無間斷相續故云速疾也○八聖道
者定相應無漏惠名爲聖道八通用正字是顯聖字義
故頌疏云聖者正也比○正見者無漏惠定相應惠云
正見定云正定第二意業思第三發語思第四勤身思
第五無貪也六七八可知云轉語爲正語忘口兩舌等
爲邪語依無漏定力離邪語也○正業者依無漏力滅
惡業身行十善等也○淨命自活者食有四種一仰口
食謂陰陽師等也二四方口維食謂糞樂等也三下口
食謂耕作田畝等也四淨命乞食謂佛弟子也○正念
者不失憶念四諦理也○但語業等者此舉伏難意謂
語業命散心事業也何定中有之道共戒下通難無漏

惠具防非止惡之德云道共戒言定相應無漏惠力出
定時猶離邪語邪命此由定力故定因中立正語業命
果名也○其躰准知者准義可知躰謂正見惠為躰思
惟尋伺也語業命戒為躰精進以下可知凡七科道此
其躰不出十俱舍頌云此實事唯十謂惠勤定信念喜
捨輕安及戒尋為躰已釋云各雖三十七論實體唯十
一惠二勤三定四信五念六喜七捨八輕安九戒十尋
三十七中且惠攝八謂四念住惠根惠力擇法覺支正
見也此八以惠為躰勤心攝八謂四正斷精進根精進
力精進覺支正精進也此八以勤為躰定亦攝八謂四
神足定根定力定覺支正定此八以定為躰信但攝二

謂信根信力以信為躰念唯四謂念根念力念覺支正
念此四以念為躰喜唯攝一謂喜覺支以喜為躰捨亦
攝一捨覺支行捨為體此捨者非是捨受是大善地中
行捨也輕安攝一謂輕安覺支以輕安為躰戒但攝三
謂正語正業正命以戒為躰尋唯攝一謂正思惟以尋
為躰上來所明惠勤定三各攝八種三八二十四也信
攝二足前成二十六也念攝四足前成三十也喜攝一
捨攝一輕安攝一戒攝三尋攝一此七足前成三十七
故躰唯十也毘婆沙師說有十一謂戒分二以身語業
不相雜故分身業語業為二也餘九同前上○若依俱
舍等者問又云四諦故見道修之何智論云修道耶

答若智論意可云修道依俱舍故云四諦又修道位發
無漏智緣四諦故其義無妨云○菩薩亦用等者菩薩
諸位雖兼修專行十科事在第四地故彼地名覺分相
應地也○四諦論者小乘論四卷婆藪跋摩造真諦譯
也○菩薩兼修者菩薩六度以為正行兼修七科故云
助道也云○譬如衆藥等者如隨衆病藥數亦定治煩
惱病可限三十七藥數故不增不減也三十七品云須
介許○又常說等者上答不增不減疑問下因料簡七
科生起於中初惣標舉七科次如初下別列七科聞四
念處法修行云聞法作行次須已下生起可見云○亦
名三昧等者初二梵語三昧舊譯三摩地新譯也三

昧此云定三摩地此云等持等謂均等持謂持用定惠
均等能除惛散云等持亦云平等云允於定有三種一
等至謂梵語云三摩跋致二等別梵語云三摩呬多三
等持梵云三摩地也於中等持通定散也是心一境性
也光記云平等持心令趣於境故名等持上等至者唯
在定不通散通有心無心光記云由定先心離於沈掉
平等至此定此從加行立名又解即是離於沈掉名等
能至平等身心名至上等引者不通散通有心無心多
說有心定中光記云定先心離沈掉名等能引起此定
名引此從加行立名引又解即定離於沈掉名等能引
起平等身心名引云○空解脫門者迷情時執我々所

故生死繫縛然聖者觀我々所能執所執俱空無縛著
義故云空解脫此解脫即出離門故空家解脫依主釋
也解脫即門持業釋也○能觀智名者智能解脫我々
所譬如火能解脫凝冰云○餘二得名等者無相無願
俱所觀境解脫門即能觀智故云唯說應知云○無相
解脫者上空我執是常見惑設空見惑故於男女等尚
生愛著初果聖者雖離見惑尚行姪欲則此類也故空
我執上離男女一異等相云無相等○無願解脫者於
四諦中苦集二諦有為有漏也滅諦無為無漏道諦有
為無漏也然今求滅諦無為故不欣有為故云無願道
諦無漏三學雖證諦無為證得無為有為道諦還尚可

捨譬如乘船筏度海河到彼岸閣船筏故云道諦尚捨
凡此四諦下十六行相分為三解脫門空無我為空解
脫門滅諦四為無相餘十為無願俱舍頌云空謂空非
我無相謂滅四無願謂餘十上凡夫於苦果境計會有
實我常住等依之起貪等煩惱也今觀空等時煩惱所
斷故空是所觀境解脫門能觀智也觀空解脫煩惱門
也故依主釋也餘集等准之可知云云問苦滅果也集
道因也然何果因次第哉 答頌疏云謂若有法是愛
著處能作逼惱苦惱為因寂初觀苦次後觀苦以誰為
目便觀集諦次後觀苦以誰為救便觀滅諦後觀苦滅
以誰為道便觀道諦如見病已次尋病因續思病愈後

求良藥^已○若依瑜伽等者法相大乘意於遍計依圓
三性建立三々昧義謂於三性立三無性爲三々昧依
遍計執立相無性依々他性立生無性依圓成五勝義
無性也○十相等者問四相中何除住又五塵中可有
男女何別立哉 答除住俱舍論有三師義論云經說
住異是此異別各如生名起滅名爲盡如是應知異名
住異又無爲法有自相住々相濫彼故經不說有謂此
經說住與異惣合爲一名住異相^已光記以第二爲正
第一義意能相有生異滅三相不可有四相故說三相
經正說也但說生住異滅住異々別名也非別住相生
滅中間異相故名住相如生名起滅名盡第二義意可

有四相然說三相住濫無爲常住故且除之也第三義
意可有四相但說三相住且攝異不別立也又五塵中
雖有男女是得名異流轉根本故五塵外立男女也然
三相中第二義意且住亂無爲故且除之云生異滅秋
住義故不依四季別立三際則此義也三際者寒熨雨
三也十一月十六至三月十五日熨際也三月十六日
至七月十五日雨際也七月十六日至十一月十五日
寒際也寶師寒爲熨々爲寒云光師云彼依振且西天
不尔云○此三々昧等者遍計時空凡夫所執人執云
無我々所依他時空二乘所執法執故云無我々所圓
成時無所對境二我故云無我々所又遍計情都無法

故無願求依他法非有故無願求圓成離戲論故無願
求又遍計都無法故無十相依他實法無法非遍計種
々相故云無相圓成離二我故云無相云〇具如唯識
第八者彼論亦略說三性為三解脫亦三性各通三解
脫有此二義云具如歟謂瑜伽於三性單為三解脫門
維摩各通三性是但述一義唯識具二義故云具如也
論第八云三解脫門所行境故與此三性相攝云何理
實皆通隨相各一空無願無相如次應知此論文中初
問理實下答也三解脫皆通三性云理實皆通云〇十
力者有身心異身十力者俱舍頌云身那羅延力或節
々皆然象等七十增此觸處為性上頌疏云身那羅延

力者佛生身力等那羅延或篇六皆然者或言表有餘
師說佛身支篇一々皆具那羅延力上論二十七云那
羅延力其量如何象等七力謂凡象香象摩訶諾健那
此云大鉢羅塞提此云勝伐浪伽此云妙遮督羅伽
路形神那羅延此云執後々力增前々十倍有說先六
種云人十々倍適那羅延此云執後々力增前々十倍有說先六
十力者靈芝疏云一處非處智力從是因生是果從是
因不生是果佛悉遍知二業智力能知一切衆生三世
諸業因果三定力能知一切諸禪三昧四根力能知衆
有諸根上下五欲力能知衆生種々樂欲六性力能知
世間種々性七至處道力能知一切道至處相八宿命

力佛能知宿世無量無邊事九天眼力能知衆生生死之相十漏盡力諸漏盡故^已於心十力配當十智處非智力十智為躰業異熟力八智為躰定根欲性四力九智為躰至處道力九智或十智為躰宿命力天眼力一智為躰漏盡力六智或十智為躰 問十智者其相如何 答十智者惣而言之有漏無漏二也有漏名世俗智無漏名法類智於無漏分二智一法智二類智也亦分四苦智集智滅智道智也法智類智合六智至無學位非見性名為盡智無生智二合為八智加世俗成九智此九智類智道智世俗智四成他心智都合十智也世俗智者諸有漏智名世俗智云世俗遍為境世俗智

遍緣一切有為無為世俗事為所緣境也無漏法類智依境分為二種欲界無漏智名法智緣上界無漏智名類智故頌云無漏名法類亦法類二智依境別成苦集滅道四智謂緣欲界四諦智緣上界四諦智也言盡智無生智業者盡智者頌疏云謂無學等位^{云云}無生智者頌疏云若正自知等^{云云}他心智者俱舍頌云法類道世俗有成他心智於勝地根位去來世不知^已法類道世俗四智成他心智若知他無漏心以法類道他心智知也若他有漏心以世俗他心智知故依四智成他心智也於勝地根位去來世不知者明他心智不知境謂勝地者上地也下地他心智不知上地他心根者勝根也

信通論卷之七
法苑珠林卷之七
七
謂信解時解勝他心智不知見至不時解脫心位者勝位也謂不還羅漢獨覺他心智前々他心智不知後々他心後々他心智知前々他心也亦不知過去未來他心只現在他心々所爲境界也○至下當辨者下第十卷下輩中品記也○四無畏等者初約能覺正惠平等覺諸法故名正等覺次初漏盡第三所治惑障第四能治道諦能說法障能障即煩惱所知二障法所障即真俗二諦諸法也障之家法依王釋也又障即法持業釋也凡第一得一切種智知諸法也第二斷盡煩惱第三說煩惱障第四說修無漏道出苦此四於十智具畧不同也十智者一俗智二法智三類智四苦智五集智

六滅智七道智八他心智九盡智十無生智也四無畏中第一十智爲躰第二六智除苦集滅道他心四第三八智爲體除滅道二智第四九智或十智爲躰九智者除滅智也頌云四無畏如次初十二七力^上此即以十力躰知四無畏躰也俗智者有漏智也緣一切無爲境法智者緣欲界四諦無漏智也類智者緣上界四諦無漏智也苦智者於法類智四諦各別故爲四智也頌云法類由境別立苦等四名^上他心智者法智類智道智世俗智所成也知他無漏心法類智也他有漏心世俗智他心智也故四智所成也頌云法類道世俗有成他心智^上盡智者頌疏云謂無學位立正自知我已知苦

我已斷集我已證滅我已修道是名盡智比無生智者
頌疏云若正自知我已知苦不復更知我已斷集不復
更斷我已證滅不復更證滅我已修道不應更修名無
生智比此二智法類苦集滅道六智至無學身非見性
者見推求推度義也無學位已極故無求義已得故無
推義故智非見也第一十智者於一切法等覺為正等
覺故十智為體漏永盡無學智故亦十智為躰又緣漏
盡為境名漏盡智身六智為躰也苦集 不知漏盡他
心亦不知漏盡也○說障法無畏者知諸法因果也滅
道智非因果故除二八智為躰也九智者第四無畏一
切諸行皆趣果佛智能知之為此無畏緣能趣為境九

智為躰除滅智々々者所趣果非能趣行故能趣所趣
共為境十智為體也○若外難等者頌疏云若有世間
沙門梵志天魔梵等立難言比沙門有出家外道故云
世間沙門也○能出道等者能修道諦出有為苦到無
為也俱舍頌云四無畏如次初二七力比頌疏云四
無畏者一正等覺無畏十智為體如十力初力二漏永
盡無畏或六智或十智為躰如十力三說障法無畏
八智為體如第二力四說出苦無畏或九智或十智為
躰如第七力云云
從四無畏等已下十智四無畏之消
釈良心與今文相具略須對見矣
能修道者能修道諦出有為苦到無為也俱舍頌云
四無為如次初二七力比頌疏云四無畏者一正

等覺無畏十智為躰猶如初力初力字初二漏永盡無畏
 或六智或十智為體如第十力第十力字初三說障法無畏
 八智為躰如第二力第二力字初四說出苦道無畏或九智
 或十智為躰如第七力第七力字初正等覺無畏者初今十
 智者名目云一世俗智有漏智取執等此有四惠一
 生得惠生便二聞惠聞教三思惠因思四修惠從定
薰修心成四德二法智緣欲四諦寂初證三類智緣
無過定故名修四苦智知諸法真理故五集智前法類及四諦六漏智前法類及四諦七道智前法類及四諦八他心智他故九盡智前法類及四諦十無生
四智智利根羅漢得無已上良心
 四無尋等者達能詮名句文身法名法無尋名詮自性

一切依正等名也句詮差別如是我聞等句也文即是
 字阿伊字語也名句文有躰依裏義故名身也達所詮
 義名義無尋隨能詮名所詮義亦無尋也達六通四生
 言辭名辭無尋也演上能詮諸方言辭相應彼正理辨
 說無尋名辨無尋及緣下述佛發定惠不由加行任運
 現起功能名辨論神通回位通名運身勝解乃佛果通
 立意勢名則此義也 問無尋者四智中何攝耶 答
 妙觀智攝耳凡言四無尋大意者言說名句文持所說
 義生物解故名法所詮義理故名言辭名辭無滯為辨
 四無尋中第一緣名身等三緣世言辭等故此二但俗
 智為躰第二有為無為法名義十智為體唯涅槃名義

六智為躰如第二無尋唯涅槃名義者苦諦生死果也
集諦回也道諦智也他心々法故除此能智也餘六智
緣涅槃邊有之故六智為躰也第四九智為體除滅智
頌云法辭唯俗智義十六辨九比○一由資糧等者初
約回位行相大後四約果位行相大於中第二約能緣
相苦々壞等名三苦第三第四約所緣相第三拔苦第
四與樂第五惣對回位名大五種大通大多勝義又對
聲聞悲有八種異頌疏云此與悲異由八種因一由自
性異大悲以無痴為躰悲以無瞋為躰二由行相異大
悲作三苦行相悲唯作苦々三由所緣異大悲緣三界
悲唯緣欲界也四由依地異大悲依第四禪依四靜慮

五由依身異大悲依佛身悲依二乘身六由證德異大
悲離有頂證悲欲界證七由救濟異大悲救濟事成悲
唯希望救濟故八由哀愍異大悲哀愍平等也悲哀愍
不平等故也頌云大悲唯俗智資糧行相境平等上品
故異悲由八因比○大福德智惠等者前五波羅蜜云
福德第六名智惠此六即佛果資糧也是對二乘行因
二乘行回無六度故也○能於三苦等者佛緣三苦利
益衆生二乘唯緣苦々起悲二乘悲四無量心也佛大
悲相對有八種異其義如前云三苦者俱舍頌云苦由
三苦合如所應一切可意非可意餘有漏行法比釋云
苦由三苦合者標苦諦由三苦合名為苦諦一苦々性

謂苦受生時苦住時苦名苦々也 二壞苦性謂樂受生時樂住時樂壞時苦名壞苦三行苦性謂不苦不樂受也由行成苦衆緣造作故無常性也故名行苦如所應一切者一切有漏如其所應與三苦合皆名苦諦一可意有漏法與壞苦合名苦也二不可意有漏法與苦々合名苦也三余有漏法與行苦合名苦也謂除可意不可意外名餘有漏應知此中說可意名壞苦不可意名苦々者且別論理實可意及不可意皆名行苦也無常性故々一切行々苦故苦行苦微細唯聖觀見故經部師鳩摩羅多頌曰如以一睫毛置掌人不覺若置眼精上爲損及不安愚夫如手掌不覺行苦睫智者如眼

精緣極生厭怖上諸愚夫於無間獄生苦怖心不如衆聖於有頂蘊以有頂蘊是行苦故 問若諸法中亦許有樂何緣但說苦爲聖諦 答薩多中有一類釋由樂少故如置緣爲豆聚中以小從多名爲豆聚誰有智者灑水洗癰有少樂生許癰爲樂經部祖以頌釋云能爲苦因故能集衆苦故有苦希彼故說樂亦名苦上理實應言諸者及樂躰皆是苦以就行苦同一味故由此苦爲諦非樂也樂受有二種性一有樂性依自相門自性樂故二有苦性謂依異相門亦是無常變壞法故以苦觀樂受者依行苦及壞苦說非苦々也上○惣以三有者大悲惣緣三界今三有者即三界名也名三界同

有流轉故也云○三念住者初二別緣順違二境第三合緣違順二境云○若依大乘等者律名目云十八不共心云住正念云○若依大乘等者律名目云十八不共法一身無失二口無失三念無失四無異相五無不定心六無不知已捨七欲無減八精進無減九念無減十惠無減十一解脫無減十二解脫知見無減十三一切身業隨智惠行十四一切口業隨智惠行十五一切意業隨智惠行十六智惠知過去世無尋十七智惠知未來世無尋十八智惠知現在世無尋也此一身無失等者初三如次身三口四意三等過失無之也無異相者有漏念想異無漏念故云異相如云凡夫異生無不定

者於諸法無疑慮心云無不定心佛知菓子熟不時分而食等也六無不知者於一切法無不知捨七欲等者衆生無邊故利生樂欲無減也八精進者佛不飽善山不厭高海不厭深刀不厭利等謂是也佛於諸法明記不忘云念無減又於諸法簡擇不息云惠無減十一十二如次善提涅槃成無減義也十三十四十五如次身口意得十六十七十八三世了達得也本諸法果者准下佛答煩惱業所感流轉果也出世果別云及賢聖等故也本聲聞法變化等者聲聞人躰即法也其體如化故云變化也又聲聞等因云法果云變化也智論云聲聞變化者三十七品四聖諦乃至三解脫門

何以故。聲聞人住持戒中禪定。攝心求涅槃。觀內外身不淨。是名身念。處如是。還無是為聲聞變化。乃至變化者。生一切果報法。已。又云。問曰。是諸變化。皆業所作。何以不但說業變化。答曰。業有二種。淨業。垢業。淨業者。聲聞變化。乃至佛變化。垢業是煩惱變化。復次有二種化。變。凡夫業。聖人業。凡夫業是煩惱變化。聖人業須隨。洎乃至佛。是故。離皆是業變化。而廣分別。而無答。已。本煩惱等者。煩惱是緣業。是因故。業因緣者。緣即因也。▲本以是因緣者。因即緣。只是自由義也。○答上舉等者。言上舉能證人。躰下所證果也。故上下不同也。○補特迦羅者。人無我異名也。此翻教取趣義。忠百法論。

疏云。人無我者。替云補特迦羅。謂唐言教取趣。謂諸有情起惑造業。即為能趣。當來五趣名之。為補特羅。即無我持業釋也。比上舉五果。別空依躰下空。斷德故。無重過。云。問上舉五果。及佛菩薩空之。今除佛菩薩意。何答。自然略。欽。又小果是有為。故空之。佛菩薩斷德。是無為。故畧之。問上空佛一切種。四今何除之。答上約假智空之。今約實智不空之。狀。○若望大乘等。有論二諦義。生空理。尚是俗諦。攝故。天台云。四眼二智。万像森羅。佛眼種智。真空冥寂。已。小理屬事。則此義也。此文意。五眼。前四及三智。為俗諦。々々者。恒沙事法云。万像森羅。佛眼一切種智。為真空冥寂者。真諦門義也。五

眼者一肉眼九支色眼二天眼上界定所得色眼等也
三慧眼二乘證空慧也四法眼菩薩照俗智也五佛眼
緣中道智也此有橫豎々有人天二乘菩薩佛各具一
橫者佛具五菩薩具四二乘具三天具二人有一々切
智證空智也二道種智照俗智也三一切種智證中道
智也○福德者小乘不得大乘實智故小理智對大理
智屬福分也雖出分段尚受變易故屬有為雖斷人執
不斷法執故屬有漏云▲本 辟支佛道者問上四名
果今云道意如何 答道是菩提果故上下互顯耳▲
本 煩惱習者正使名煩惱習氣名習聲聞斷正使不
斷習氣緣覺正習俱斷故約緣覺云煩惱習也○問若

依等者問意第三重佛答云若有法生滅皆是變化若
余第六重說涅槃如化涅槃亦生滅答意對有為法雖
名涅槃待對得名猶屬如幻何同雖如幻何同有為遷
流謝滅涅槃者不生不滅義也依此名可執涅槃實有
為破彼執涅槃名言說如化非理解生滅若依相宗依
不生不滅名言凡支執涅槃實有此識變無為理心相
分故其躬有為生滅故說涅槃如化同前有為法也○
答為除有執筆著執涅槃有說空令除有執躬非空無
智論意若說涅槃有云若有說涅槃空云若無此皆破
著說涅槃理也謂說涅槃有破空者說涅槃破有執也
若人以下顯二著相廣百論意亦同

從問若依等者已下
良心與今不同可見

問若等者就涅槃如化文致此問言若生滅為如化
義涅槃如化屬生滅乎答意對有為生滅法名不生
滅名言猶化故上空法體云如化下空假名云如化
故云何同云○問涅槃等者就性空即是涅槃文致
此問也○若有等者說涅槃理破有無執謂說涅槃
畢竟空寂破有執着說涅槃法本有常住故破皆空
執已上
良心上

廣百論者西域記云提婆菩薩製廣百論破外道比提
婆即龍樹弟子也此論本一卷玄奘譯大乘廣百論釋
論十卷護法菩薩造玄奘譯也▲本如佛自說等者
今品有平等品說諸法乃至涅槃性空今違彼說諸法

皆空涅槃一法非化常住故須音提致相違問緣起諸
法性空無差名為平等云法本有天然故云非化

云▲本有佛無佛等者天台觀經疏釋佛云斯理

灼然世間常住者佛不能損得之不為高失之不為下

故言眾生即是佛比釋理佛者釋佛說佛釋六即佛中

理即佛也云約世間相有為無常也約其性云世間常

住佛在世為有佛入滅後云無佛約理躰云不高不下

處胎經云九夫賢聖人平等無高下則此義也▲本

性空即是涅槃者性空涅槃一體異名故涅槃法是應

如化云▲本新發意者十信初心及信前位如別時機

云▲本驚怖者若聞諸安皆空涅槃一法常住可捨

有為歸入常住若聞涅槃如化無所期可驚覺云○此
明結成等者若曲分釋初就內證結成彌陀報身義次
縱使下就外用滅述彌陀報身義無妨言今以此大品
經文驗知報身種智入理不入理義彌陀決定是報身
也縱今記經雖說後入涅槃彌陀報義無妨云

此次良心
解叙可見

體有等者大品內證入理不入為體入不記經外用
入滅不入為用不云問若余設雖餘行機證如化
理可見常住何見入滅設雖念佛機不證如化理可
見常住乎 若如化理有淺深明昧故請行機分雖
證如化理進上位時尚見入滅然佛如化常住內證

寄合壽命無量願力令念佛人見不滅相念佛人設
雖進上位見增勝身不見入滅云問安樂集會授
記經入滅難云此是報身示現隱沒相非滅度也彼
經云阿彌陀佛入涅槃後有深厚善根眾生還見如
故即其證也又寶性論云報身有五種相說法及可
見諸業不休息及休息隱沒示現不實躰即其證也
已師資會相何是異乎 若彼引寶性論五種相記
經入滅屬示現相今引大品經內證文記經入滅屬
外用相各述一義終不相違內有歸入涅槃義而機
前示現隱沒相故

▲二次二乘乃至即今文也事

二叟二乘者就上報身報土義明五乘齊入為二乘
不生疑決由故隨所詮為科名耳 記上
良心

問中四者彼等八字為第一段次四字為第二段次四
字為第三段坊墮已下八字為第四段々々大意先標
報土高妙為小聖難階由難凡夫難入 問上既許若
論小聖去亦無妨今何云小聖難階哉 答上擬他力
許小得生今望自力云難階耳○此乃前筆者言他師
判化身化土大聖人九品往生今前五段定三輩生遇
大遇小遇惡凡夫此段中判報身報土能生之機所生
之士不相順故致此問也○一先明等者此當自力聖
道門意天台宗許凡夫往生極樂淨土而屬化土法相

宗許極樂報時則判凡夫不生則此義也○正明詫等
者此正他力淨土門意 問設詫佛願遍計凡心淨土
難壞故依之天台雖存凡夫乘佛願義猶判安養界是
化土 答難勢偏執自力一途未解佛願他力極致七
卷章慈云大威德力佛本願力唯識所不判比判法性
相自力宗尚許佛願力况今宗乎所引群疑論其義明
也云○群疑論筆者上判彌陀唯報唯化通報化三義
中就唯報義致此問也答中先辨地前凡夫難入報土
次然以下正辨凡夫詫佛願故得入報土○遍備真如
者撰大乘論正真如為十地證今遍滿者初地所證
也唯識論号遍行真如名雖小異義無相違云梁攝論

云真如法界於一切法二執所起分別覆藏法界由此障願行位人不得入初地若除此障即見真如遍滿義人法二執永得清淨得入初地也○人法二執者人執者人我見謂於人畜等狀豎起我人云遍計所執故名我執亦名人執我者主宰自在義也如國王得自在故夫識所變五蘊諸法若不和合寧有人等相狀功能於此假和合作用上妄計遍計執實我人次法執者謂法我見也法者軌持軌謂軌範可生物解持謂任持不捨自性色心法躰一切如夢寐有似有也無有堅實自然自性只依他眾緣所成虛假事相凡夫二乘不知此理妄計即執法躰是自然有自然義也先人我見共位是

短法執起位不必帶人執故後法我見其位即長人執起位定帶法執故唯識論云我見起位彼我見亦必現前我執必依法執而起如要迷初等方謂人等故也○識心鹿劣等者有漏位識強智劣故舉識攝智其識疎弱故云鹿劣無漏位智強識劣故舉智攝識其智微細二心所變土成勝劣故不可以地前所變土同地上所變淨土○殊勝本願者指撰地前菩薩聲聞凡夫諸願此等諸般所變淨土不及地上所變淨土然佛有攝五乘願故各誥其願為增上緣同地上見微妙莊嚴亦得見故名生報土故次下云又觀經云阿彌陀佛真金色身高六十万億那由他恒河沙由旬八万四千相好

唯是他受用身佛非是地前所見下文言然彼如來宿願力故有憶想者必得成就故知乘宿願力觀見他受用之身亦乘宿願之力生受用上已經述凡夫依願力故定觀成就見報身義而論廣指攝地前願明知五乘所說願者攝取五乘機諸願也云○還能同彼者地前菩薩地上有漏無漏異也雖然依佛願同地上故云還又還亦也言依佛願亦如地上變也同者凡夫其體有漏也菩薩躰無漏也約躰有漏無漏雖異約相彼此同躰相々望似同也若但約相彼此全同也○指六八願等者凡分願文有一往再往二義一往者分爲三一攝佛身二攝淨土三攝衆生第十二三及第十七攝佛身

願第三十一第三十二攝淨土願餘四十三攝衆生願也再往三種互可通用依之釋家以六八願或屬淨土或屬衆生今牒五乘所託佛願云六八願是再往意四十八願攝受衆生之釋意也具應云惣指六八願別指五乘所託於中人天所託願者初十一願及第十五十六十八等 問初十一願及二十一願是往生後快樂相也何爲往生所託願哉 答願後快樂爲得生者故彼慈力哀凡機欲與樂慈悲何不扶得生無得樂故

從指六八願等已下良心與今文相不
同亦有餘說故全同處乃至畧之

指八六願等者凡分願文一爲往三一攝佛身乃餘四十三願攝衆生願再往三種可通用乃及第十五

十六十八等決凡夫所詫願有六番問答第一決攝
自國願為往生強緣第二支往生因行相自行雖多
不出定散安樂集列念佛諸行群疑論念佛力行今
此疏判正行雜行就正行分助正二行選擇集述癈
立助正傍正三義示此差云繼義遍聚云第三別決
四箇願意此四願誓凡夫往生之曰緣謂初一願誓
往生行曰後三願誓往生強緣最要故別決之也
問念佛諸行人云何乘十八等三願哉 答念佛諸
行人者當機結緣二類念佛當機人乘十八十九兩
願順次往生諸行當機人乘第十九來迎願順次往
生二行結緣人俱乘第二十遠生果遂願力促無窮

生順後往生此三願俱攝凡夫機雖令往生第十八
願生自行故名攝行願十九二十不誓行曰故二願
名攝機願不名攝行願 問第十九云修諸功德第
二十云殖諸德本知諸行亦可本願行何云諸行非
本願耶 答謹看願文第十九以佛現機前為願身
誓不取正覺而舉諸善為顯所迎機是善人故修善
言為來迎由全非願身第二十以遠生果遂為願體
誓不取正覺而舉殖善為顯所果遂機本善故德本
言為果遂由非願身即以過現々未二門可顯願意
過現門者過去世中殖諸德本現在世至心迴向第
三生時方得往生現未門者現在世中植諸德本未

來世中至心迴向第三生時方得往生此願利益不出三生如彼普賢行者極大遲者不出三生云第四問意若無餘行生日願可餘行不生余彼妙果可房念佛吞意生因限第十八願云唯念佛本願行非本願諸行乘攝機願生淨土故諸行皆乘弘願往生故彼妙樂可通二行辨阿相承上人口支相傳然阿故法然上人号粗師云意言上述生因本願局念佛不通餘行願對又可見云第五問意小聖凡夫生報土到託攝九願生淨土也第六問意修餘行人到判十即十百即百生已上良心抄也

祖師云等者辨阿相承上人口支相傳然阿故法然上

人号祖師云○若有人等者此口傳言也文意生日願限念佛故唯念佛弘願行念佛外諸行雖非弘願行往生時乘來迎等願故云弘願也問支小九等者問意小聖凡夫生報土忝可由生日本願大恩若非生日本願加力小九善何成報土因地上證善報土因故卷中初述攝機願佛大恩依之五乘齊生報土故次但撰下進通伏難々々意若廣攝九小隨機可願諸行生日何局念佛通意欲攝万機設如阿呵陀藥易勝佛各局誓生因願余行難劣漏下機故不誓生因此乃攝取對堪能機廣通凡聖生因對易勝念佛行雅局一行莫言攝機廣通凡聖弘願行亦廣通五行是故下述非願余行依

攝機願皆往生義。諸善為弘願行情。先述三乘諸行。雖不願生因依攝三乘願成生。因義例成。凡夫餘善雖不生。因而依攝凡願往生義也。凡機下述機。根差諸機。皆乘生因願。依本願文。他方菩薩聞彌陀名。或得無生法。忍諸深愍。持或得普等三昧。至成佛。又觀念門引般舟經云。三世諸佛。依念阿彌陀佛三昧成佛。比又依台家止觀行者。步步聲々念々。唯在阿彌陀。比依此等文。此土入聖亦假弘願。然今問答別約。往生攝願。故或捨同從異。或相從本願。正意云。不假弘願。不及斷證勝底下機。諸行堪能。各中容機。此則下述善。本於淨淨佛果。無隔理。文速非本願。餘行非淨土。生因情起信。

論云。以真如法常薰習。故法身顯現。無如歸真如文也。然中容下正述。非願諸行往生。謂雖諸善非本願行。善體本是真善妙。有淨土通。回能修機。誑攝凡願。生淨土也。○問。由攝機等者。問意。終餘行人。由攝機願。亦得往生。乘生因願。念佛往生。有何差別。答。中初直辨二願。差愆而下。辨三重加力。成二願。差初意。攝餘行機。來迎本願。唯願迎行成機。故上根。乘下機。行難成。故不乘生。因本願。々別。回故。上下機。皆行易。成就為二願。差次者。餘行雖被二力。不被生因。本願力。故唯上根。生下根。不生。故禮讚判百中一二。千中三五。念佛行人。二力上。被生因願力。諸機。悉生。故禮讚判十即十。生百即百。生○行

易成就者問依選擇稱名本具易勝德故選為本願今何依願有易德哉 答本具易勝德事如選擇依本願彌成易勝謂十八願成強緣故有證誠護念攝取等此依願成易勝德也其義亦選擇有之也彼集云稱名本願故攝取此等是也惣而言之於聖道淨土成三重第一聖道二三於淨土門餘行念佛也修出離行諸佛同躰大悲同哀之故蒙忽佛加也此義可通二門然聖道機唯限此佛加故先舉聖道機也淨土門中修余行願往生上佛加上亦有攝機願力此義通下念佛然餘行機二度蒙佛加緝名機上二重上亦有生因願力也○如言二道等者俱舍論三云非先離欲起證第三而於

後時得有退有此離欲果二道所得極堅牢故上頌疏釋此文云解云此文釋樂根不退所謂也由此樂根在第三禪次第證者但得初禪故樂根證必是超越謂凡夫位斷三禪惑後時容依第三禪起見道不還果故知超越得起樂根此超越人畢竟不退也以二道所得故一前凡夫位斷盡欲惑世道所得二今入見道所得次第證人唯一道故可退比樂根者初二禪喜受相應定也第三禪樂受相應定也第四禪已上捨受相應定也此受二十二根攝屬也故名樂根超越證中可有得第三定者是九地有漏位以厭欣上六行觀修惑得第三定此人後入見道起無漏智時前所得故以第三定證

第三果故云樂根證也次第證人唯斷欲界九品惑證
第三果故初禪定今樂約根證成不復義惣而言之超
越證人皆可不退次第證者有退者是非一切六種性
中退法也是雖退轉性若居上界不退也設雖在欲界
不值退緣時無退轉況思法等四種何必退第六不動
一向不退故應知凡超越證者於見道已前以有漏智
斷下八地修惑然機類万品故於欲九品修惑或斷一
品入見道或斷二品入見道乃令斷盡九品入見道等
也故超越證人入見道惣有七十二人加都未斷者七
十三人也然隨本斷分住果不同也謂都未斷者及一
品至五品斷同名初果向至十六心即得初果故六品

斷者及八品斷者見道間名第二向至十六心住第二
果故欲九品斷者及上七地者十五心間名第三向至
十六心證第三果故然超越證中無第四向果有漏斷
力不斷有頂惑故惣人見道七十三人都未斷者々
次第證人也一品斷已去七十二人超越證人也俱舍
頌云具修惑斷一至五向初果斷次三向二離八地向
三至第十六心隨三向住果比 問超越證者惣無退
者何故今約樂根證一人例秊名十百生哉又稱名入
無退轉者彼二道所得一向無退者若然能例所例相
違如何 答超越證者雖皆不退離欲超過堅固手本
也故約最勝邊以樂根證者故又至能例所例相違者

彼二道所得極堅牢故今十百生本願因行故至心終
名者成十百生益無一失故能例所例一具無相違失
但至三心退者是攝失非所得失也

從如言二道等
者已下良心與

今文相不同亦
有餘叙可見

如言等者有漏無漏二智名二道此於超越證所論
也於聖者有次第超越次第證者經三賢四善根居
世第一法位發無漏智見道十五心斷八十八使見
惑證後三果發有漏智斷欲六品證第二果斷欲九
品證第三果斷上二界七十二品證第四超越證者
居三賢位隨行者超發有漏智或斷欲界六品惑或

斷欲九品思或斷下八地思其後見道十五心斷三
界見惑出十六心隨本斷分欲界六品斷人超至第
二果位欲九品斷乃至下八地斷人超至第三果前
有漏智今無漏智二道合故超至後果云極堅牢餘
行人唯詫提機願往生例如次第證者局無漏智唯
得初果念佛人託攝行二願加力十百即生如超越
證二道力合得二果耳

云決聲聞所詫願中有二番

問答第一問意凡夫餘行往有雖不願生因而舉修
諸功德行回誓迎此人第十四願唯願國中聲聞無
數不論因行及得生肯何云聲聞往生願乎答中初
立理次引文初意彼土大義門二乘種不生國中既

願聲聞無數他方聲聞不來生者何目彼土得生有
聲聞知由聲聞無數願力他方聲聞生彼土也次引
文有問答意彼國聲聞多為奇由有何義乎答意佛
以本願神力攝他方實行聲聞成爲奇引文次云譬
如沉鳥入水魚蚌滅死犀角觸之死者皆活如此不
應生而生所以可奇上○聲聞筆者人空理爲實際
不知大乘極致但證人空計極致故約彼計情名實
際證偏期灰斷永不成佛云不應等○而佛者本佛
機生可通迴心未迴心類其義如下云云○指上等者
上引極樂有聲聞論第十四願及十住論智論諸經
四文難論二乘種不生云云第二問意若羅漢知淨土

生者違論註若不知者背今文意云云○未得等者僅
斷人執雖得解脫分段生死未斷法執未得解脫變
易生死故云未得一切解脫○應於等者三論宗天
台意是可云方便土淨土宗意極樂淨土云云答有三
義一已迴心知大乘故願生淨土佛願攝生令生淨
土二未迴心入滅經劫後心時生聞諸佛說願生淨
土三身智滅不知淨土具因緣故自然得生 問初
義意指何願名詫願又迴心後菩薩何屬羅漢往生
答已迴心後是菩薩故攝菩薩願可爲詫願雖是
菩薩簡異直往尚呼本名稱聲聞耳又已迴心後聞
聲聞成佛願益願極樂故彼願力攝令生淨土故指

聲聞願名詫願次義引論註為聲聞迴心往生證此
義也○雖修等者雖發大心尚有小執修小乘行云
○往生宗等者法相宗意不立界外於三界內見法
淨土未斷無明人見穢土故維摩經身子見穢梵王
見淨性宗意立界內界外二乘聖者斷見思故不生
三界不斷無明不生報土故入滅後居方便土經無
數劫也○聲聞等者言期永滅聲聞若聞聲無數本
願々彼願力攝生云 問此文願力攝未迴心故云
本願不思議若攝已迴心是可思議況得生後生道
心故未迴心依此文理下一義攝未迴心云何 答
攝令生彼文言多含可通迴心未迴心上故下各述

一意有何還但所難々者本願攝未斷無明機生報
土故云不思議又欣淨土得生後發無上道心有何
妨乎第三義中初遮羅漢知淨生義故詫下表入滅
羅漢自然生義如彼五下舉例成義八万等下更通
伏疑初遮意者願力攝具自然出界因緣聲聞何必
知淨土得往生况依論註佛願力攝入滅羅漢自然
引生道理言思不及故云不可思議若論迴心言慮
所及何云不可思議神力何況生彼後生道心計知
入滅無心羅漢無漏為因無明為緣任運出三畏佛
願強引令生報土○如彼等者灰身滅智四果支佛
無漏為因無明為緣自然得生方便土故引例分義

台家釋云及著真諦愛與根本無明今生方便土又云五人斷通惑者同生其土云云見思煩惱三乘通斷惑同正法華云臨滅度時佛在前立勸發無上正真道意云云既發大心何不知淨土問臨終發心經劫發心經々異說各隨機宜故無其違淨土知不可准知云云又設臨終預見佛緣發大乘心何定可知有淨土乎問由聲聞無數願引未迴心自然生極樂者於餘淨土聲聞生義無乎答佛々繫屬結緣定故今就弥陀有緣所論自然生義未遯余佛有緣聲聞不生極樂又由諸佛稱揚願成國々聲聞々諸佛讚彌陀願益結緣彌陀云云生極樂故云云聲聞無數本願

問未迴心生極樂時可有佛來迎乎答聲聞無數願力強引故不可有別來迎欵故論註云佛以本願不可思議神力攝令生彼云云○八万等者伏疑意謂若未迴生極樂者如方便土可經八六等劫數乎通意若依台家八万等劫教門故天台云經存教得被鈍根者逼令現發云云妙樂釋云豈有出界聞勝應說必須更經八六四二万十千劫九聲聞者七賢四果同乘攝取聲聞本願可得往生於中七賢及前三果人不迴心不可往生第四果中可有迴心差義如上云云岁菩薩所詫願中有二番問答初依起信論從初住見報身故三賢自力可生報土何云他力往生乎

乎已上良
心抄也

問三賢菩薩等者問意起信釋論三賢十地菩薩以自力見報身今何詫願三賢見報身云哉答意起信論三賢見報身者非證位故以有漏觀智觀見相似報身自力故也今詫願者同地上見真實報身也彼相似報身今真實報身彼觀見今眼見故非例難○但隨眾生等者報應二身佛化他用也故云用彼論意明躰相用體者真如理躰相者性內功德用者度生用也論云摩訶衍者物說有二種一者法二者義所言法者謂眾生心是心則攝一切世間法出世間法故依於此心顯示摩訶衍義何以故是如相示摩訶衍躰故是心生滅目錄

相能示摩訶衍自躰相用故所言義者有三種一者躰大謂一切法真如平等不增減故二者相大謂如來藏具足無量性功德故三者用大謂能生一切世間善因果故一切諸佛本所乘故一切菩薩皆乘此法至如來地故又云真如用者所謂諸佛如來本在因地發大慈悲修諸波羅密撰化眾生立大誓願盡欲度脫上已○一者依分別等者凡夫二乘六識心外有境分別故云分別事識不知根本一心故云不知等一者等報良心與今文相不同可見

一者等者第六識名分別事識小乘但談六識不知七八識故凡夫二乘執諸法心外現故佛知心外境為如是機現名應身已上良
心鈔也

轉識現者第八識有業轉現三法性無明俱合動相能所未分名為業識生本既立能見功能生名轉識真如用故云不知等取第六識所執分齊不知八識功用故云不能盡知也○二者上下俱可云業轉現然上從近舉轉現畧業今從根本舉業畧餘上下互顯耳初住位名為初發意第十地名究竟地也自他受用合為報身各無重故約自受用可實無量若約他受用分量云○少分而見等者地前伏位雖緣依正未離分齊而未斷無明故事相見齊限故云少分見知是緣觀分非明了見云○明了通達等者三賢伏位雖未明了從地通達諸法即真如用云一心量是為宗要也通達所見報

身即是法性通用業轉現云依彼業識亦云作唯識解也云○彼據證筆者為對地前未證指地上證理云彼證斷無明證中道智正見報身云相應成就地前云此地前以知報身色相現識真如通用名少分見未證知故云非全見云不相應雖不相應異凡夫見唯心分故名少分見又一義云指攝論地前見報身云彼據證未證真如分知報身不離真如故云彼證亦云相應今此已下述起信論地前見報身義々相具如次上料簡云凡菩薩有三賢十地同乘攝取菩薩本願往生極樂大經說六十七億不退菩薩往生其文也問三賢未斷無明故託佛願力可入報土十地斷無明證中道自居

報土何云詫佛願 答隨機詫願可有差別十地證位
雖居報土而彼佛誓菩薩增道故為自熟々他本緣他
方十地願生彼土可為詫願義普賢文殊各發十願々
生極樂則此類也 問證真如人捨分段身可往生乎
答證得初地龍樹菩薩捨分段身往生極樂云又證
法性々相融故肉身即成明鏡身故即身往生但至龍
樹且隨物機秋○問今言等者問意今報土與自力斷
證報土同異如何也答土躰彼此全同能入自力他力
是異云自力報土在果報分勝劣重々也此三賢十聖
住果報意也今極樂報土以願力緣成就佛果功德為
土令受用是唯佛所見也被唯佛一人居淨土義也云

○大內十二門者陽明門待賢門郁芳門是東面北次
第之美福門朱雀門皇嘉門是南面東立談天門藻壁
門殷福門是西面南立安嘉門偉鑿門達智門是北面
西立又內十二門嘉陽門宣陽門延政門是東面北次
第立長樂門承明門殷安門是南面東立武德門隱朔
門棧義門是西面南立徽安門玄暉門安嘉門是北面
西立又內門七門日華門月華門和德門寅仁門建春
門建禮門宜秋門是成女院至此門也○於先師邊等
者坂下先師良時年三十八嘉禎三年九月比參鎮西
始謂上人即述未法志乞談義筵爰雖且日默然更無
發言上人潛云默然領解難辨中不云時傳聞之參御

前始舉疑天台淨土兩宗報土為同為異上人答云入門雖異所入是不別云○問羅漢筆者藤田問意若羅漢知淨土生者違論註意者不知者背今文意云○未得一切等者僅斷人執雖得解脫分段生死未斷法執未得解脫變易生死故云未得一切解脫也法華云但離虛妄名為解脫而實未得一切解脫上已○應於淨土等者問此淨土報化中何哉 答極樂報土也故下釋此文意云詫佛願方可得生等若三論天台宗等意是云可云化土方便土云○答羅漢筆者答有二義一已迴心知大乘故願生淨土佛願攝生令生淨土二未迴心入滅經劫後心生時聞諸佛說願生淨土灰身滅智不

知淨土具緣故自然得生 問初義意指何願名詫願又迴心後菩薩何屬羅漢往生 答已迴心後是菩薩故攝菩薩願可為詫願雖是菩薩簡異直往尚呼本名稱聲聞云又已迴心聞聲聞成佛願益願極樂故彼願力攝令生淨土故攝聲聞願名詫願次義引論註為聲聞迴心往生證是也又一義藤田云聲聞無數願力攝生何必知淨得生何況生彼已後更復以佛力生其道心極果迴心豈容更發道心故證無余無明為緣真理為因亦蒙願攝生力生極樂界如彼五人斷通惑者生無漏界也八万等劫若依台家非必逕歷云此義聞中初渡羅漢知淨生義故證下表入滅羅漢自然生義如彼

五下舉例成義八万等下更通伏疑初遮意者願力攝
具自然出界因緣聲聞何必知淨土得往生况依論註
佛願力攝入滅羅漢自然引生道理言思不及故云不
可思議若論迴心言慮所及何云不可思議神力何况
生彼後生道心計知入滅無心羅漢無漏為因無明為
緣任運出界佛願強引令生報土如彼五人斷等者灰
身滅智四果支佛無漏為因無明為自然得生方便土
故引例今義台家釋云及著真諦愛與根本無明合生
方便土^上又云五人斷通惑者同生其土^上比見思煩惱
三乘通斷故名通惑 問正法華云臨滅度時佛在前
立勸發無上正真道意^上既發大心何不知淨土 答

臨終發心經劫發心經^上異說各隨機宜故無其違淨
土知不知可准知^{云云}又設臨終預見佛緣發大乘心何
定可知有淨土乎 答由聲聞無數願未迴心自然生
極樂者於餘淨土無聲聞生義哉 答佛^上繫屬結緣
定故今就弥陀有緣所論自然生起義未遮餘佛有緣
聲聞不生極樂又由諸佛稱揚願成國々聲聞々諸佛
讚弥陀願益結緣弥陀悉生極樂故云聲聞無數本願
問未迴心生攝樂時可有佛來迎哉 答聲聞無數
願力強引故不可有別來迎欵故論註云佛以本願不
思議神力攝令生彼^上八万等劫者伏疑意謂若未迴
心生極樂者如方便土可經八六等劫教通意若依

台家八万等劫所門故天台云經存教道被鈍根逼令
現發已妙樂云豈有出界聞勝應說必須更經八六四
二万十千劫已凡聲聞有七賢四果同乘撰取聲聞本
願可得往生於中七賢及前三果人不迴心不可往生
第四果人可有迴心未迴差也云云○雖修小行等者雖
發大心尚有小執修小乘行也○任性宗等者相宗意
不立界外於三界內斷無明人見清淨土未心無明人
見穢土故維摩經身子見穢梵王見淨性宗意立界內
界外二乘聖者斷見思故不生三畏不斷無明不生報
土故入滅彼居方便土經無數劫也聲聞實際等者言
期永滅聲聞若聞聲聞無數本願之彼願力攝生云云

問此文願力攝未迴心故云本願不思議若攝已迴心
是可思議說得生後生道心故前未迴心也如何 答
攝令生彼文言多含可通迴心未迴心但所難者本願
撰未斷無明機生報土豈非不可思議又欣淨土得生
後發無上道心有何妨哉云云▲本 若言等者牒上自
審何故筆者准淨影意○問十信等者次上答意不生
機詫願生報土其不生者大乘十信三賢二乘夫凡也
今問牒上可云若言十信三賢凡夫小聖等何但牒夫
夫小聖哉答意廣牒上答如所難今且安淨影誤故不
生類中且舉凡夫二乘也○答女人等者問意篇目但
標第六會通二乘種不生今何引女人等文哉也○答

他師等者論音彼土大義門故果報無有女人根缺二
乘三類愍云不生然淨影會女人根缺如本論就彼為
言會通二乘種不生違本論意云此土二乘不生淨土
故三類不生不齊也今家意如本論三類生同約淨土
果報故為破彼不齊謬雙舉女人及根缺二乘種不生
二句雖舉二句而二乘義全乖今意故煩篇目云會通
二乘種不生逆次先交二乘義次釋女人根缺義今釋
下寧也云然女人根缺不生義自他同二乘不生義自
他義異也為破二乘不生誤篇目標之故先釋此義女
人根缺義自他同非所破後釋也雖然他師釋有不齊
難故舉三類問決也

此段中從為破彼不齊謬已
下良心與今文相不同可見

答他師等者至同約淨淨土果報故為破不齊之謬
雙舉二句雖舉已下簡異他師解述今釋意三類不
生其義同云今釋下寧云○谷中華者若委分文可
云答中為二初述他解不可次今引下述自義中初
標會意次何者下正述會相於中有二初約下輩二
約中輩等

已上良
心抄也

淨影名子等者若曲消釋淨影名子不知二乘不生義
理云不關理三類不生斷簡不齊云加封拙云▲本
封拙者王封甫龍反大也厚也拙職悅反不巧也已上
▲本 汝疑情者上以他屬述故他亦可疑今家料簡
故望今他疑云疑情云○淨報離欲等者由轉女成男

本願成淨土果報捨離女根故云淨報離欲境及非理
作意故云離欲又彼國人悉具三十二相故云報精上
等云○彌陀菩薩者或仍本立名或果中說因云○大
經中等者彼師意觀經九品大經三輩執一機故大經
中輩善提心為觀經中輩臨終發心證也○往生論捷
等者言論捷臨終發心生說二乘不生經就未發心始
說學小得生言臨終發大乘心就治名小云○天台
有两義等者觀經疏文全同遠疏十疑論同今家十疑
論云但迴心願生淨土至彼更無二乘執心為此故云
二乘種不生上已本 如下此等者本論二乘種不生
者彼國大乘善根界故生彼土者生大乘心二乘心不

生得意故引下輩人生彼土已發大乘心文為二乘心
不生證也○然經云等者次上引發無上道心文也合
意准論發無上道種也准經可云二乘心不生也○乘
三乘心等者發三乘心即為三乘善提種子故心種躰
一名異也又現行為發心成就位名種子如唯識論云
現行薰種子_{上已}現行成就時分雖異其躰一故云心種
同云○答此人等者言此人在穢國平生都無佛法世
俗善根故得生後不簡大小聞生信心但雖下會難意
可知云○答誠如所難等者此可有與棄意此人臨終
聞大乘法稱佛名故與可屬大機分仰信不及解信
亦未發心對上六品遇大遇小云遇惡不定何行故棄

法苑珠林卷第六

卷第六

屬不定云▲本 身器等者身紫金色罪隨滅盡故云
清淨約能聞機云堪聞法約所聞法云亦不等▲本
又當花等者前就不定機述二乘種不生義自下為成
不定義設容有釋耳▲本 上來者會通上文終改結
義竟猶有殘文故續釋之云○問上諸文等者下三品
文云上諸文或指文段云諸文欽答有二義初就中輩
通伏難義委分本文初舉中輩小戒徃生示伏難意次
但到下述會通意二又此下二乘不生通九品義於中
為三初標義趣二然上下述釋不舉上輩意謂上三品
此土發心彼得大益非是大乘善根界德若大機熟小
會悟大如鹿苑中八万諸天云三唯為下述約中下輩

成其義○上三品筆者問上下品云發心上二品無發
心何云三品發心哉 答上下品尚發心上上上中發
心理在絕言也俱遇大故如鹿苑會八万諸天得無生
忍此段中從如鹿苑等已下良心與今文相不同亦有餘積可見

上三品等者問上下品云發心乃理在絕言俱遇大
故又無發心遮文無乎○若大等者設雖彼國小乘
土發心者可得大果故如鹿苑會八万諸天得無生
忍如記三引華疏耳○小機此熟者中三品八雖發
三心欣大乘國只是仰信深執小乘云小機熟已上
下輩暫無小心筆者下輩發心即當論旨論意謂大在
界令不定人必生大心故正釋結中輩三品小機此熟

生大乘界猶證小果轉向大後不生小心亦成二乘不生之義故重釋也○答彼土既是第者第十一願云設我得佛國中人不任定聚必至滅度者不取正覺上成就文云其有衆生之彼國者皆悉住於正定之聚所以者何彼佛國中無諸邪聚及不定聚上又經下云無量壽佛爲諸聲聞菩薩大衆班宣法時●究竟一乘至于彼岸●遠離聲聞緣覺之地上二乘開會在丈分明也 問若尔何大阿弥陀經云彼阿羅漢般涅槃者無央數上 答彼經所說般涅槃者大般涅槃非小涅槃故次下云佛泥洹之道故非相違云

▲第七得益分事

見聞相成等者具可言問章提得恐是見佛益也何云聞說得益乎答見聞相成得無生故無其相違云况乎當明等然今略問迷答而已言章提光臺拜見無漏淨土次聞前六觀依報說觀行漸熟第七觀始正見彌陀信心歡喜故心眼開得無生益定善義云序臨淨國喜歎無以自勝今乃正覩彌陀更益心開悟上則此義也 此次良心解經一字下而書之

結益等者經舉章提正宗所得益名結益彼得益分見極樂云若依見佛身云若正 已上良心抄也

先答得處者引第七觀得處答也引得益分也 此次良心解經可見

此次良心解經可見

得益分文等者得益文云曠時即見極樂世界廣長
之相得見佛身及二菩薩等比故云並舉依正云云光
臺見國機根漸熟至第七觀見三身時得無生故光
臺見國雖是因由而正得忍在第七觀故遮光臺取
第七觀云云然世人背今爰判立羣提光臺密益見得
忍之義甚以非也良心上

本 問曰等者此雖非盡理難問上遮非是光臺等
不許序得忍故且就示觀緣得忍言致難此當試驗問
也又為初心設此問故利益問也次答意彼文則是舉
下正宗可利益勸修觀者非是序分得無生益云云○
有異方便者十三觀教文為方便此得定證忍奇異方

便也云云▲本 方便之由序者記有二義初義意方便

即由序是指示觀緣言示觀緣佛舉正宗得忍為勸正
宗方便也又由序也若依此義今方便經異方便異也
今序云方便彼正宗故次義意方便者正宗由序者示
觀緣也故依主釋也示觀緣舉正宗得忍勸正宗由序
也若依此義今方便經異方便全同也共指正宗故正
宗教門是得定證益奇異善巧也故正宗教文故異方
便也方便由序之秋良心
異今文相不同可見

序是等者序是引起正宗十三觀異方便善巧故名
方便由序妙樂云序者如歌引舞上則此義依此義
分釋本文舉觀善巧名方便由序何以下示舉勸文

義斯乃下述舉勸本意云依次義意分釋本文指正
宗異方便名方便指舉勸本名由序何以下顯方便
文義斯乃下示舉勸本意云 已上
卷今異等者所詮利益眾生善巧奇異名異方便故十
三觀教文即為凡夫得定善巧故名異方便也定散往
生教文亦為凡夫往生報土善巧異方便云然有義云
本願念佛獨生內行非願定散非往生行只是為顯念
佛勝能善巧故云異方便也云今云定散善躰是真善
妙有往生成佛直因是以三世諸佛三福業為淨業正
因彌陀迎修諸功德人依之定散各々往生經釋分明
也讀文亦以定散往生為異方便何違又理云定散諸

行不生耶云執者會云以定散迴念佛生云迴入賢國
云今云宗家釋迴向義或云迴所修業向所求處或云
迴因向果比念佛豈非所修業哉此外定散迴念佛云
文經釋無之所詮不知非本定散往生義道故立諸行
不生義歟云▲本 聖力等者指經諸佛如來有異方
便令如得見意故釋尊力也○文句當弁者指序分記
也云

▲第三惣結七門事

此標造疏等者第四卷終有三異相初二造疏第三流
布今證曰言可通二證然文相順造疏玄門又此義下
八字當流通歟▲本 握等者握於角反搯持也機居

依反万機也機弩牙也系已狄反細絲也微也條從聊
及小枝也貫也教也比○即是觀經等者依機系為經
緯織布喻觀經言淨土他力法門為機佛言為經定散
為緯成今經也○順法等者能詮教法云法道理所詮
義理云經玄意云▲本 此義周等者三呈有二義初
義意周可呈三證周謂遍前謂眼前此乃夢中證相眼
前故云前證或後日呈三證故云呈前證歟 問四卷
造已可有流布證何玄義有之 答玄義依文俱可流
布故有其證彌以深妙也云云若依後義次上所舉證曰
等證云此義周々謂竟也後三卷名三玄義攝望後三
卷云前證耳○預明後等者其實四卷每終可有證曰

等言但文言各々可異謂玄義十有三結等序分義十
三等散善義三輩九品等云 問第四卷上來結後示
證相准今上來等結後可示證相何不齊哉 答此義
左右也故上下互示其義歟又局玄故置結上彼證定
相通四卷故置結後欵又自然歟○例如天台等者玄
義分釋法華題云此備於前文句可釋文句云今受等
也居玄義而指玄云前依文云今々居玄義指玄云前
故引例也○答只是且筆者答有二義初義七門中第
六經論相違門文廣博故且舉廣文顯余門耳次義料
簡經論相違言限第六意通七門故無相違云 問七
門中初四門不料簡經論相違何云七門俱是料簡經

論相違哉 答此難々會但序題以墮重衆生爲此經
機簡異他師聖人往生又釋尊用章提請開三福散善
簡異他師俱請又釋名門釋說義云口首陳唱更述六
根說法義遶餘塵說難又宗旨門立兩三昧簡異他師
觀佛一又說人門今此觀經屬佛自說遶香山說此等
義自會相違故非相違欵云又一義云七門中別舉第
六門有深意欵謂七門義何雖家要決定垢障九丈機
行報土往生正在第六經論相違門故別舉有在耳
▲本 縱使等者無疑無滯且約往生始終欵言信機
法者無疑未往生者無滯云或人云信者無疑約念佛
求者無滯別約垢障九夫往生云

觀經玄義分傳通記卷第六見聞末終

七十三紙

享保十四配年臘月十八日謹摺寫

已上玄記見聞十三卷八百五十一葉從六月十日
至今月今日成植字功歸法薩婆若得大懃持門矣

活字絕板

三緣山袋谷方國

4

傳通記玄義分

卷第六見聞本

終

